

杭州史地叢書

第八冊

市仲遜題



民國杭州市新志稿卷二十九

甯海千人俊纂

藝文(二)

詩

寄譚仲修廷猷同年杭州 樊增祥 恩施人

謁來支枕夢西湖，白舫青簾入畫初。
衡嶽春迴三兩雁，辛夷花發數行書。
故人東望思魚膾，名士多年尚草廬。
為憶南屏山色好，老坡笠屐定何如。

湖上雜詩

全 右

雲容波態世間無，評泊遂當勝畫圖。
能寫吳宮西子

照此生纔可賦西湖、

松水依稀似舊容、前身曾打理安鐘、卅年何限紅塵
夢、消盡茶條草屨中、

燒丹葛令還留井、度曲花翁亦有家、我愛孤山林處
士、不將禪草換梅花、

手炷鑪香禮岳祠、更摹松柏認南枝、如今畧換人間
世、為遣橫枝莫向西、

白白沙隄抱阮墩、一雙太傅至今存、年年湖上秋如
錦、惟有荷花解報恩、

梅子青青不滿枝、楊花白白復沾泥、茅家埠口燒香

路常有幽禽自在啼。

松檜陰濃掃不開。冷泉亭上幾徘徊。人間真有清涼地。但挈茶瓢坐具來。

泉到攷先比玉醇。脫中洗手坐苔茵。天生一片玻璃水。不遣靈台著點塵。

酒樓旁帶綠陰斜。四月軒窗已換紗。風味不嫌清到骨。湖心藕粉井西茶。

蚕豆珠蝦入饌新。一甌碧玉薦湖莼。不緣肺府清虛極。解喫吳羹有幾人。

画舫金樽對水開。萬錢一擲定無回。清游只合瓜皮

艇更袖瓜犀豆子來

湖上風氣侈靡一日之費動至數金每與子珍約不得以厨船

自隨惟貰一小艇飢則掬湖水嚙瓜子炒豆而已

淡晴微雨間清陰閱盡湖光淺與深只欠月明西磧

寺携茶來听穎師琴

湖上晴雨百變略已歷盡惟欠月下泛舟耳

舊雨長安數舉杯新來無分共岑苔明朝待續南屏

社為約高三十五來

余京華舊雨杭人最多今來湖上惟見高白叔同年一人而已

到處禪房帶雨敲他時說也穀魂銷佩聲夜夜金釵

巷帽影朝朝錦帶橋

寓杭十日湖上凡六七至至必流連盡日暮則入湧金門循金釵

巷而歸

(樊山集)

和藍老游孤山用湯貞愍韻

步屣乘春出近郊。逋仙曾此結衡茅。寒公鑽燧烹黃
蘗。宋嫂羹魚去赤梢。葛嶺東西烏榜聚。蘇隄裡外綠
陰交。全湖莫化昌黎酒。買得青春恰又拋。
韓詩十千買取拋青春

憶西湖

廿年不打理安鐘。倘有江船吾欲東。歷劫未銷金粉
氣。四時不斷綺羅風。月珠松翠能留客。桂子荷香莫
啟戎。萬古妍華還此地。吳興慚愧水精宮。

前詩以金粉綺羅寫西湖。唐突西子矣。別賦十 二章寄藍老。

西子剛宜淺淡妝。山眉水眼費端詳。但看周昉屏風

畫豈識名山有道場

妙手伊誰為寫生香山以後又端明明湖恰如明妃似意態由來畫不成

水有畫船難到處山當綉幃未來時白沙翠竹人烟少獨自拖藤意可知

曙色僧窗猶未分漁僮踏浪綠沄沄漫天水氣欲為

雨一半樓台隱白雲

三十年前諸遲菊所說如此

竹香如霧不論竿三五禪人涉翠寒虎跑清泉龍井

葉斬新槐火烹來難

余性嗜井茶自越入關香味頗減

朝遊三竺暮還城風景何人識晚晴無數綵船歸去

後婆官吹笛兩三聲

山寺歸來月挂松。水烟四合綠濛濛。西湖別有閒亭榭。不在屏山十景中。

不識漁舟一葉輕。紫髯燒燭坐調笙。孤蒲深處蓬籠雨。朝貴耳邊無此聲。

不應城外即孤山。雪後傾都犯曉寒。此事林逋殊不料。梅花種與俗人看。

南屏僧飯小淹留。蔬筍酸寒夏亦秋。二十年前湖上

事。每隨夜雨上心頭。

癸未四月。同鶴士子珍湖樓聽雨。如昨。日事。

投簪擬謁辨才師。鉢帽隨緣住淨慈。埽地打鐘俱不

會飽餐山淥坐填詞

聚似疏星散似烟湖山回首意茫然欲窮水曲松深
趣且可雲棲住十年

薄遊西湖一日尋遍南北諸境徐英

湖川北漢人

大蛇赴壑鶴巢巔舉袂憑虛我亦仙孤塢埋雲扶瘦
影高峯落日漾寒烟湖心水印三潭月亭下泉通一
綫天慧理有知應借榻林間小住足千年

韜光

層雲如絮自霓衣冉冉幽篁一經微鶴夢僧儀都寂
寞蒲團偶坐即忘機（滄漬同聲集）

春日步出錢塘門至湖上登葛嶺抱樸廬訪陳
默齋遇甬人陳楚湘留飲醉歸作

王仁溥蕭山人

一春負花事。擲勝來明湖。自夸腰腳健。不用舟與車。
湖光碧于染。飛絮亂平蕪。眾芳半開落。驚心韶華徂。
忽聞斤斧聲。奔走集般輸。何來岩谷地。建此夏屋渠。
云將萃百物。王會開新圖。指西湖博覽會

峻嶺鬱岩甍。千載尚姓葛。樓臺隱山半。金碧耀木末。
拾級登其顛。半响始得達。夾磴皆松篁。萬綠入毛髮。
崖險屢愕眙。亭幽得休息。返視湖中舟。雙槳自出沒。

徑盡林霏開，迎面起雙闕。剝啄叩精廬，驚起孤飛鷲。
主人出迎客，相見道契濶。

慷慨陳孟公，好客世所稀。為公具尊酒，羅列皆鮮肥。
苑亭日當午，山花香四圍。良會值勝地，不覺觴爭飛。
醉眠白石上，松子落我衣。書生酒戶小，坐被山靈嗤。
吹尺初陽台，足軟不得躋。奇境失交臂，留以俟後期。
夕陽淡遙岫，鳥聲催人歸。扶醉下山去，回望猶依依。

陳孟公（滄瀆同聲集）
指楚湘

題徐仲可先生純飛館填詞圖 洪完慈溪人

春雲片席占詞場，減字偷聲待較量。漫寫江關蕭瑟

意危闌烟柳已斜陽

寂寞菰蘆老此才。塵心打疊幾徘徊。一瓢飲到西湖水。識得人情冷暖來。（滬濱同聲集）

和梅兄西湖雜詠

李經鉅 合肥人

京塵回首劇蒼茫。又踏溪山入越邦。地絕炎氛供杖履。天留老眼閱滄桑。龍蛇起陸千年運。蠻觸爭雄一夢涼。猶有風情消不盡。好從歌席遣年光。

無恙青山列水濱。八年重證去來因。能安白屋甯非福。便着黃冠亦累人。龍象會看銷末劫。乾坤何地着吟身。秋宵更比春園勝。暫取天倫樂事真。（友古堂詩集）

滬杭汽車中賦

陳天嬰

故人八九風塵死，我亦皇皇道路中。
安得車輪生四角，不教過轍有西東。（民權素粹篇）

錢塘江觀潮

繆荃孫

江陰人

風潮撼大陸，都作浙江潮。
明月無今古，興亡歷幾朝。
雪海冷明月，雲山浮暮烟。
英雄淘盡矣，恨煞浪花妍。
（民權素粹篇）

南樓令 偕家兄古香游西湖遇雨

雲鎖六橋烟，湖光接遠天。
倚蓬窗、詩意綿綿。且待輕
舟趁雨泊，着履上、試春泉。
佳節自年年，落英掩紙

錢不提防。鳥醉花眠。借問酒家何處有。好小坐。聳吟肩。
（民權素粹編）

過西湖拜朝雲墓

生小聰明舊姓王。兒家故宅住錢塘。珊珊環珮魂歸夜。十里西湖水亦香。

昔年綺夢了無痕。草長紅心掩墓門。寄語踏青諸姊妹。鳳鞋休蹴美人魂。
（花笑盦詩選）

劉東溪少尉出林畏廬所繪湖景索題成此二

絕

趙潤
漢陽人

如油湖水如絲柳。綠到西泠第幾橋。早欲卧遊學宗

炳天然圖畫倩誰描

林家竟有丹青手寫出孤山一角來隱約雲中現樓閣劉卽應認是天台（懺雲館詩選）

望江南憶西湖

西湖憶殘雪段家橋記得尋詩驢款款只今胡虜馬
蕭蕭倚劍恨難銷西湖憶最憶岳王墳誓埽腥羶
收失地指揮旌旆起忠魂和議莫紛紛西湖憶銅
騎兀湖邊應笑蜉蝣撼大樹但愁荊棘徧中原還我
舊河山間陳英士先生紀念銅象被毀西湖憶風雨一亭孤俠骨
有知期復漢英靈無恙恥淪胡墓上走麒麟西湖

憶清絕冷泉亭。佛地今聞嘶戰馬。梵宮曾說隱仙靈。
何日洗羶腥。西湖憶冷賞。憶孤山。今日花開風露
冷。幾時人似鶴飛還。春色阻兵間。（擊缶詞）

同散原病山二年丈。西溪秋雪庵看蘆花。

胡穎之紹興人

沿溪打槳趁霜晴。來聽蕭蕭瑟瑟聲。髣髴影同憐搔更
短。眼光頓覺洗逾明。殘陽入岫高樓倚。野渡衝沙小
艇橫。莫話滄桑今昔感。花開堪折不勝情。是日同游者八人而
往歲同游者貞壯、映庵均離浙南。孫且下世。蘆洲亦漸易為桑田矣。

丙寅泛舟西溪

秋雪庵前真似雪。交蘆庵畔已無蘆。頻年來洗看花
眼。有客同題放棹圖。樊榭風流今不作。夢坡好事古
為徒。待尋曲水蒼涼境。更種梅花十萬株。西溪舊以
蘆秋水庵外尚有曲水庵。屢見昔人題詠。今已不知
其處。余乙丑秋曾囑包蝶仙繪西溪放棹圖。襌成卷
子。陳散原年文汪閑止林節和龍杜園均和余詩原
韵。題於圖卷。

春日湖濱感賦。步杜園茗坐詩韻。寄散原年文。
閑止。映庵。貞壯。

風微雨歇喜天清。無恙湖山展嫩晴。嬾啄芹泥憐病
燕。學歌蠻曲悵雛鶯。草痕綠轉餘兵燹。絨唾紅添帶
笑聲。已惜離群誰共賞。更難消遣故園情。(滬濱同聲
集)